

**Protocol no. 89**  
**Sezzüda da lündeschdi, 14 favrer 2011, 20.00 – 22.40**

**Preschaints:** Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

**Protocol**

Il protocol no. 88 da la sezzüda dals 7 favrer 2011 vain approvà.

**766 021 FABRICA**  
**Jon Andrea Piquet – Indriz fotovoltaic – Via Sura 604**

Il Cussagl cumünal decida da dar il permiss da fabrica sguaintamaing:

1. Tenor la dumonda acclusa al permiss da fabrica.
2. Il cumün inchascha seguainta taxa da trattamaint: fr. 100.--.

**767 021 FABRICA**  
**Men Zanetti- Salutt – Chamonna per deposit – Tuols**

Il Cussagl cumünal decida da dar il permiss da fabrica sguaintamaing:

1. Tenor la dumonda acclusa al permiss da fabrica.
2. Il permiss es limità egual als fabricats existents.
3. Il cumün inchascha seguainta taxa da trattamaint: fr. 100.--.

**768 021 FABRICA**  
**Heidi ed Eduard Kny – Isolaziun externa – Plan da Chavas 358**

Il Cussagl cumünal decida d'inviar la dumonda da fabrica in sen positiv a Cuaira per la procedura da BAB.

**769 021 FABRICA**  
**Lüzza Grand – Sbodamaint e reconstrucziun chamonna – Val da Cuas 395 A**

Il Cussagl cumünal decida d'inviar la dumonda da fabrica in sen positiv a Cuaira per la procedura da BAB.

**770 830.318.02 Infrastructura piazza da sport**  
**Curunas per las bandas da glatsch**

Il Cussagl cumünal deliberescha ün import da fr. 4'200.-- per comprar curunas las qualas servan per deponar las bandas da glatsch sur stà. Las lavurs da serrürier (i'l import da fr. 2'500.--) vegnan fattas d'ün lavuraint cumünal.

**771 070.314 Mantegnimaint da stabels d'administraziun  
Chartera nouva per la chasa da cumün**

Il Cussagl cumünal conceda ün credit da fr. 2'000.-- per aquistar üna chartera nouva per la chasa cumünala Misoc. La chartera d'hoz nu's cunfà plü a las pretaisas da sgürezza.

**772 790 PLANISAZIUN DAL TERRITORI  
Proposta PEB a regard nouva zona da deponia**

Il capo orientescha cha la Pro Engiadina Bassa haja fat üna proposta per eriger üna zona da deponia giò Chanals (per lung la via chantunala). Il Cussagl cumünal vezza il lö per quai chi pertocca il purtret da la cuntrada sco problematic e decida cha pel mumaint nu's vezza, per na perder la structura da terrain, il lö sco adattà. A lunga vista pudess quai però esser ün' opziun.

**773 6 TRAFIC  
Trafic da taxis in connex culla pista dal sömmi**

Id aintran adüna darcheu reclomaziuns a regard il trafic da taxis chi spordschan lur servezzan als skiunz da la pista dal sömmi. Il Cussagl cumünal conferma la decisiun tratta dals 29 november 2005 chi tuna seguaintamaing:

Our da motivs da sgürezza ha il Cussagl cumünal decis, cha'l trafic in connex culla pista dal sömmi dess circular be plü in üna direcziun. Traget: Via Sura o Via Sinestra – Flüs – Archas – Plaz. Cun quista masüra vain schmezzà il trafic pels cuntegns pertocs (zona d'abitar). Quista ordinaziun vaglia be per viadis commercials.

**774 151 TIR DA SCHAIBGIAS  
Masüraziuns da canera**

Il schef da fabrica orientescha sur dals resultats da las masüraziuns da canera. Il rapport muossa cha la canera da fabrica da la chava e las emissiuns dal tuns nu surpissan las normas da canera. Quai vaglia per la fracziun da Sur En sco eir per quella dal campadi. Il Cussagl cumünal prevezza da fixar da nouv ils uraris dals tirs e la controlla sto gnir plü effizianta.

**775 830.363.01 Innaiver Vastur - Sent  
Pista dal sömmi**

Il capo orientescha al Cussagl cumünal cha las Pendicularas conferman chi füss bun da prolungar l'innaiver fin sü pro la Sömme Bar. Il proget d'eira gnü a seis temp fingià fat ed es avantman. Ils cuosts s'amuntan sün ca. fr. 230'000.--. Tenor üsit supigliessan las Pendicularas 1/3 da l'investiziun. Il cumün stess surtour ca. fr. 150'000.--. Il Cussagl cumünal es eventual pront da sustegner il proget, e prolungar l'augmoint da la taxa da cura e da promoziun dal turissem per 2 – 3 ons. Quel augmoint d'eira gnü concess dal 2004 per 10 ons per finanzchar la 2nda etappa d'innaiver.

**776 622.311 Cumprita da maschinas e veiculs  
Maschina da buoglier**

Il Cussagl cumünal deliberescha pel lavuratori (tenor preventiv) fr. 2'200.- per üna macchina da buoglier.

778 800

**ALPS E PAS-CHS**

**Taxa d'erbadi e spaisas per metter bescha d'utrò**

Il schef da god e da pauraria orientescha al Cussagl cumünal sur da la sezzüda ch'el ha gnü cul president da la Società da bescha Sent. Il Cussagl piglia cugnuschentscha da la discussiun e spetta süllas decisiuns da la Società da muvel gross e da muvel manü.

**VARIA**

**1. Pendicularas Motta Naluns**

Skirresort es üna gronda organisaziun chi fa tests in regiuns da skis in tuot l'Europa. El ha tut suot ögl tuot ils gronds territoris da skis da la Svizra. La regiun da Scuol ha raggiunt la terza piazza.

**2. Sent in movimaint**

I vain prelet duos chartas d'ingrazchamaint pels premis da l'acziun Sent in movimaint.

L'actuar: